

Program Khidmat Bantu Peningkatan Penggunaan Vle Frog Sk Sungai Lada



LABUAN – Pada 17 Mei yang lalu seramai 24 orang murid SK Sungai Lada yang terdiri daripada murid-murid Tahun 5 telah mengikuti Program Khidmat Bantu Peningkatan Penggunaan VLE Frog yang dianjurkan oleh Bahagian Teknologi Pendidikan (BTPN), Kementerian Pendidikan Malaysia (KPM).

Seramai 6 orang wakil BTPN KPM termasuk wakil Jabatan Pendidikan Negeri Wilayah Persekutuan Labuan telah menjalankan program ini di beberapa buah sekolah pada 16 dan 17 Mei. Program yang berlangsung selama sejam itu dijalankan di Makmal Komputer SK Sungai Lada yang mana melibatkan penerangan dan demonstrasi pengajaran kepada murid-murid dengan menggunakan aplikasi VLE Frog iaitu Frog Play.

Selama sejam, murid dibimbing mengenai cara menggunakan Frog Play. Selain bimbingan kepada murid, khidmat bantu ini juga merupakan bimbingan dan bantuan kepada guru ICT berkenaan kaedah dan cara pengendalian murid-murid semasa menjalankan sesi pengajaran disamping penggunaan Frog Play semasa pengajaran dan pembelajaran.

Melalui program ini, kemahiran murid-murid menggunakan aplikasi Frog Play dapat ditingkatkan, murid-murid dapat membantu menggalakkan rakan-rakan lain untuk menggunakan aplikasi VLE Frog sama ada di sekolah mahupun di rumah serta murid-murid dapat meneroka satu sumber lain bagi mengulang kaji pelajaran secara sendiri.



Menurut Puan Maimunah wakil dari BTPN, tujuan lawatan ini adalah untuk memberikan bimbingan kepada sekolah mengenai penggunaan VLE Frog dengan harapan peningkatan kepada 1.8juta murid menggunakan VLE Frog secara purata bulanan. Beliau berharap, semua guru dapat menggalakkan murid menggunakan Frog Play bagi menjawab soalan mengikut tahap dan subjek. Encik Awang Martin

wakil dari JPN WPL pula menegaskan guru-guru perlu memberi ruang dan peluang kepada murid-murid untuk mencuba dan menggunakan VLE Frog sejajar dengan kemudahan dan prasarana yang telah diberikan kepada sekolah bagi menunaikan hak murid meneroka ilmu dan kemahiran baharu. Guru Besar Sk Sungai Lada, Encik Maidan Dali @ Sumardi Bin Yusoff pula dalam ucapan beliau berharap dengan lawatan bimbingan ini, sekolah dapat mencapai KPI yang ditetapkan oleh KPM. Beliau turut mengucapkan ucapan terima kasih kepada pihak BTPN kerana sudi mengadakan lawatan ke SKSL sekali gus memberikan bimbingan kepada guru-guru dan murid SKSL dengan harapan sekolah dapat memperkasakan penggunaan VLE Frog dalam kalangan murid.

Disediakan oleh : Dg Siti Hasanah Binti Hassan.

SK Tanjung Aru, Guru Dihargai, Murid Disayangi



16Mei 2018/Labuan – 16 Mei merupakan hari yang cukup bermakna bagi seluruh warga pendidik di Malaysia, di mana sambutan hari guru diadakan bagi menghargai jasa guru di dalam bidang pendidikan. Pada hari yang istimewa ini, SK Tanjung Aru menyambut hari guru di peringkat sekolah dan juga menyambut hari lahir murid yang jatuh pada bulan April, Mei dan Jun sebagai tanda kasih sayang pihak sekolah kepada murid-murid terlibat.

Hari Guru tahun 2018 disambut secara sederhana namun bermakna kerana Guru Besar di dalam ucapannya mengatakan bahawa '***guru merupakan barisan hadapan dalam merealisasikan harapan negara untuk menjadikan negara kita maju setanding dengan negara-negara lain***'. Selain itu juga, Guru Besar, Puan Murni Binti Jaafar juga menyatakan dan menyeru kepada semua guru untuk terus bersungguh-sungguh mendidik anak-anak murid di SK Tanjung Aru kerana '***guru merupakan agen perubahan atau transformasi kepada kemajuan negara kita, Malaysia***' selaras dengan tema hari guru pada tahun ini iaitu " Guru Pemacu Transformasi Pendidikan".



Selain daripada menyambut hari guru, sekolah juga menyambut hari lahir murid yang jatuh pada bulan April, Mei dan Jun. Sambutan harijadi ini diadakan setiap 3 bulan bagi menghargai dan menunjukkan kasih sayang guru terhadap anak-anak murid di sekolah ini. Aktiviti sambutan harijadi ini merupakan usaha

sekolah melalui program yang dianjurkan oleh unit Bimbingan dan Kaunseling sekolah. Sumbangan seperti hadiah dan kek harijadi daripada pihak ibu bapa, guru dan masyarakat sekeliling menjadikan sambutan hari lahir anak-anak murid di sekolah ini begitu istimewa dan tidak dapat dilupakan. Kerjasama daripada pelbagai pihak ini menjadikan hubungan ibu bapa, guru dan masyarakat menjadi erat demi anak-anak murid sekolah ini.

Akhir sekali, sambutan hari guru dan hari lahir anak-anak murid SK Tanjung Aru ini menjadikan setiap warga sekolah dan masyarakat di sekitarnya untuk saling menghargai dan bantu-membantu demi mencapai matlamat yang sama.



pibg SKPS

FRONT COVER NEWS – Dato Norsiah merasmikan logo PIBG SKPS yang baharu

Dato' Norsiah Abdullah merasmikan Logo PIBG SK Pekan Satu di Karnival 111 PIBK 2018



Labuan : Isteri Bapa Angkat Korporat Sekolah Kebangsaan

Pekan Satu Dato' Norsiah Abdullah telah melancarkan Logo Persatuan Ibu Bapa dan Guru (PIBG) sekolah semasa Karnival 111 PIBK SK Pekan Satu 2018 pada 06 Mei 2018 (Ahad). Beliau yang juga merupakan Pengarah Operasi Labuan Liberty Port Management (LLPM) Sdn Bhd turut melancarkan Skuad Patrol Denggi Fasa II.

Kedua-dua pelancaran itu diadakan sempena Karnival 111 PIBK yang melibatkan Ibu Bapa dan Komuniti , Kumpulan Sokongan Ibubapa (KSIB) SKPS di Kompleks Sukan Laut Antarabangsa Labuan ,Tanjung Purun pada 4- 6 Mei lalu.

Karnival 111 PIBK merupakan program yang dirancang khas untuk mengumpul dana bagi mengisi tabung sekolah . Hasil kewangan yang diperolehi dari program ini akan digunakan untuk menampung keperluan sekolah dari segi akademik,ko-akademik dan penyenggaraan fizikal sekolah khususnya Pusat Sumber, Bilik Kesenian dan kantin sekolah . Disamping meningkatkan tahap komitmen PIBG untuk membantu pihak sekolah , ia juga selaras dengan Pelan Pembangunan Pendidikan Malaysia 2013-2025, anjakan ke-sembilan iaitu berkerjasama dengan ibubapa ,komuniti dan sektor swasta secara meluas



Hal ini memberi peluang kepada warga PIBG dan PIBK diseluruh SKPS untuk berkerjasama menjayakan majlis tersebut .

Turut diadakan Pertandingan Mewarna ,Pertandingan Bercerita , Pidato , Public Speaking , Masakan dan Voice of 111 Contest (Pertandingan Menyanyi) yang terbuka bukan sahaja untuk murid-murid SKPS dan ibubapa malah , kepada orang awam yang berminat. Selain itu , forum agama bertajuk 'Penggerak Insan Bestari Gemilang' disampaikan oleh En Mamduh Zakaria dan ceramah kesihatan oleh Jabatan Kesihatan Labuan .

Turut hadir , Pengarah Jabatan Pendidikan WP Labuan Tuan Raisin bin Saidin Ketua Unit Pendidikan Swasta ,Jabatan Pendidikan Labuan Pn Zaliha Mohd Salleh, Guru Besar SKPS Pn Anita Shyamini S. Azman dan Yang Dipertua PIBG SK Pekan Satu Pn Mamduh Zakaria yang juga penyelaras program.

Hadir sama ,Penolong Kanan Pentadbiran En Shawal Abdul Rahman (HEM), Pn Noorlihan Abd Alip (HEM), Pn Zailianan Zainul (PK-Ko), Pn Basneh Jamilide (PK Pendidikan Khas) serta Pn Shamila Devi Krishnan (Setiausaha PIBG).

Pn Anita mengucapkan terima kasih atas kesudian dan kehadiran Norsiah melancarkan logo baharu PIBG SK Pekan Satu itu .

Terima kasih juga saya ucapkan kepada PIBG ,guru-guru dan ibu bapa yang sanggup meluangkan masa dalam menjayakan majlis ini .Saya berharap komitmen dan kerjasama semua pihak dapat diteruskan untuk manfaat SK Pekan Satu secara keseluruhannya , katanya .

Tuan Raisin turut menyatakan harapan beliau yang berkaitan dengan PIBG SKPS didalam ucapan beliau .

Harapan saya agar Karnival 111 PIBK SK Pekan Satu disambut dengan meriah bukan sahaja untuk tahun 2018 malah tahun-tahun yang berikutnya .Selain itu , mampu melahirkan rappor yang positif dan meningkatkan ikatan permuafakatan ,kesedaran dan komitmen dari kepimpinan tertinggi PIBG sehingga ke peringkat akar umbi agar dapat membantu melancarkan semua aktiviti yang dilaksanakan di sekolah.



SKPS truly number 1 !
Labuan Hebat Guru Sayang Muridnya
Kemenjadian dan kecemerlangan murid bermula disini.